

Aningaasersuinermik ingerlatsisut ilaasa ilusilersoqqinneqartarnerat atorunnaarsinneqartarnerallu pillugu inatsisip allanngortinneqarneranut inatsisip assigiinngitsut aamma finansielt stabilitet pillugu inatsisip atorunnaarsinneqarnissaa pillugu inatsisip Kalaallit Nunaannut atuutilersinneqarnerat pillugit peqqussut

Aningaasersuinermik ingerlataqarneq pillugu inatsisip, aningaasaliineq pillugu peqatigiiffiit il.il. pillugit inatsisip, pappiaqqat nalillit pillugit niuerneq il.il. pillugu inatsisip aamma inatsisip allat pillugit inatsisip allanngortinneqarneri pillugit inatsimmi nr. 1563-imi, 15. decembari 2015-imeersumi (UCITS V pillugu peqqussutip naammassineqarnera, aningaaserivinnut- aamma tigussaasumik sallunaveeqquteqarluni taarsigassarsititsisarfinnut akiliisinnaassuseqarnissamut piumasaqaatit nutaat aallartinneqarnerat aamma Aningaaserivinnik Nakkutilliisoqarfiup initaarnissamut taarsigassarsianut akit pillugit katersisinnaaneranut tamanullu saqqummiussisinnaaneranut periarfissaliissuserneqarnera) § 11, imm. 2<sup>1)</sup> malillugu, Aningaasersuinermik ingerlatsisut ilaasa ilusilersoqqinneqartarnerat atorunnaarsinneqartarnerallu pillugu inatsisip allanngortinneqarneranut inatsisip assigiinngitsut pillugit inatsimmi nr. 666, 8. juni 2017-imeersumi (Aningaasaliissutinut sakuutit il.il. nalikillilerneqartarnerat nuunneqartarnerallu pillugit ingerlatseriaatsit allanngortinneqarneri) § 7<sup>2)</sup> malillugu, Aningaasersuinermik ingerlataqarneq pillugu inatsisip, allanngortinneqarnera Aningaasersuinermik ingerlatsisut ilaasa ilusilersoqqinneqartarnerat atorunnaarsinneqartarnerallu pillugu inatsisip aamma aningaasaliissutinut niuerfiit pillugit inatsisip aamma finansielt stabilitet pillugu inatsisip atorunnaarsinneqarnera pillugu inatsisip allanngortinneqarneri pillugit inatsimmi nr. 2110-imi, 22. decembari 2020-imeersumi (aningaasaliissutit pillugit piumasaqaatit pillugit peqqussutip (CRD V-p) naleqqussarneqarnerata aamma ajornartoornerup aqunneqarnissaa pillugu peqqussutip naleqqussarneqarnera (BRRD II-P) il.il. malitsigisaanik allannguinerit), § 6, imm. 3<sup>3)</sup> malillugu aamma Aningaasersuinermik ingerlatsineq pillugu inatsisip, aningaasaliissutinut niuerfiit pillugit inatsisip, aningaasaliineq pillugu peqatigiiffiit il.il. pillugit inatsisip inatsisillu allat allanngortinneqarnerat pillugu inatsimmi nr. 2382-imi, 14. decembari 2021-imeersumi (ilisimatusarnikkut suliaasaqarfiit ataqatigiissillugit aaqquissuunneqarnissaat pillugu peqqussummut ilassusiineq aamma SIFI-mut toqqaanermi iluseq nutaaq) § 20, imm. 2<sup>4)</sup> malillugu aalajangersarneqarpoq:

## § 1

Aningaasersuinermik ingerlatsisut ilaasa ilusilersoqqinneqartarnerat atorunnaarsinneqartarnerallu pillugu inatsimmi, peqqussutikkut nr. 1331-ikkut, 6. decembari 2019-imeersukkut Kalaallit Nunaannut atuutilersinneqartumi, inatsimmi nr. 1563-imi, 15. decembari 2015-meersumi § 5 malillugu allannguut tulluuttooq suliarineqassaaq:

1. § 2, nr. 14-imi, »§ 5, imm. 1, nr. 29,« ima allanngortinneqassaaq: »§ 5, imm. 1, nr. 35,«.

## § 2

Aningaasersuineramik ingerlatsisut ilaasa ilusilersoqqinneqartarnerat atorunnaarsinneqartarnerallu pillugu inatsimmi, peqqussutikkut nr. 1331-ikkut, 6. decembari 2019-imeersukkut Kalaallit Nunaannut atuutilersinneqartumi, inatsimmi nr. 666, 8. juni 2017-imeersumi § 2 malillugu tulliuttut allanngortinneqassapput:

1. § 4, *imm. 1, nr. 2*, ima oqaasertalerneqassaaq:

»2) Piffissap naleqquttup iluani, suliniutit allat, matumani suliniutit nanninersorlutik inuussutissarsiuteqartunit imaluunniit Aningaaserivinnik Nakkutilliisoqarfimmit aallartinneqarsimasut ilanngullugit, suliffeqarfiup atorunnaarsinneqarnissaanik pitsaaliusinnaanerat ilimanaateqanngitsoq, Aningaaserivinnik Nakkutilliisoqarfiup Finansiell Stabilitet nalunaarfigisimavaa.«

2. § 25, *imm. 1-imi*, oqaaseqatigiit aappaattut ilanngunneqassaaq:

»Akiliisinnaajunnaarneq pillugu inatsimmi, kunngip peqqussutaatigut Kalaallit Nunaannut atuutilersinneqartumi, nalimmassarineq pillugu §§ 39-imi, 42-imi, 44-imi aamma 45-imi tunngaviit, pisussaaffiit oqaaseqatigiit siullerni ilaatinneqartut naatsorsorneqarneranni atorneqassapput.«

3. § 44, *imm. 1, nr. 1-imi*, »atortussaajunnaarsinneqassaaq« ima allanngortinneqassaaq: »atorunnaarsinneqassaaq«.

4. § 46-ip kingorna ilanngunneqassaaq:

»§ 46 a. § 4 malillugu atorunnaarsitsinissamik suliniuteqarfigineqarnissamut piumasaqaatinik naammassinnittumut, § 12 malillugu ulloq taanna Finansiell Stabilitet suliffeqarfimmut immikkoortortamulluunniit, atorunnaarsitsinissamik suliniuteqarnermik aallartitsinissaq pillugu aalajangiippat, § 25 *imm. 1-imi* oqaaseqatigiit aappannut aamma § 46 b-imut tunngatillugu ulloq taanna piffissaliussatut isigineqassaaq.

§ 46 b. Suliffeqarfimmut imaluunniit immikkoortortaqarfimmut atorunnaarsitsinissamik suliniuteqarfigineqartumut, Finansiell Stabilitet atorunnaarsitsinissamut suliniutinik aallartitsippat aamma naammassinnippat, akiliisinnaajunnaarneq pillugu inatsimmi, kunngip peqqussutaatigut Kalaallit Nunaannut atuutilersinneqartumi, kapitali 8-imi malittarisassat malillugit Finansiell Stabilitet atorunnaarsitsinernik naammasinnissinnaavoq. Akiliisinnaajunnaarneq pillugu inatsimmi, kunngip peqqussutaatigut Kalaallit Nunaannut atuutilersinneqartumi, naleqqussaannerit pisariaqartinneqartut naleqqussaatalugit atorneqassapput.

*Imm. 2.* *Imm. 1* malillugu atorunnaarsitsinissap naammassineqarnissaa pillugu eqqartuussivimmi suliassanngortinneq piffissaliussap kingorna qaammatit 12 qaangiutsinnagit pisinnaavoq. Aammattaaq suliaq suliffeqarfiup imaluunniit immikkoortortaqarfiup atorunnaarsitsinissamik suliniuteqarfigineqartup piumasaqaammik atuutilersitsinissamut piginnaanngorsimasutut isigineqalerneranit qaammatit 6 qaangiutsinnagit suliaq suliassanngortinneqarsinnaavoq.

*Imm. 3.* Suliffeqarfimmit imaluunniit immikkoortortaqarfimmit atorunnaarsinneqarnissamik suliniuteqarfigineqatunit imaluunniit Finansiell Stabilitet-imit imaluunniit suliffeqarfik imaluunniit immikkoortortaqarfik atorunnaarsitsinissamik suliniuteqarfigineqartoq sinnerlugu broinstitut-imit<sup>1</sup> atorunnaarsitsinissamik piunasaqaat pillugu eqqartuussimmut suliaassanngortinneqarsinnaavoq.

*Imm. 4.* Suliffeqarfiup imaluunniit immikkoortortaqarfiup atorunnaarsitsinissamik suliniuteqarfigineqartup Finansiell Stabilitet-imut imaluunniit broinstitut-imut atorunnaarsitsinissap atuutilersinneqarnissaanut pisinnaatitaaffik tunniussinnaavaa.«

**5. § 61-imi imm. 7-itut ilanngunneqassaaq:**

»*Imm. 7.* Finansiell Stabilitet-ip suliffeqarfiutaanut, aalajangiisutut sunniuteqarfigineqartunut tunngatillugu, matumani broinstituttinut aamma pappiaqqat nalillit pillugit allaffissornikkut ingerlatseqatigiiffinnut aamma suliffeqarfiit Finansiell Stabilitet-imit aqunneqartunut, taakkulu inatsit malillugu ilusilersoqqinneqarnerat atorunnaarsinneqarnerallu ilanngullugit, Finansiell Stabilitet-ip suliaasai pillugit malittarisassanik erseqqinnerusunik Inuussutissarsiornermut ministeri aalajangersaasinnaavoq.«

### § 3

Aningaasersuineramik ingerlatsisut ilaasa ilulisersoqqinneqartarnerat atorunnaarsinneqartarnerallu pillugu inatsimmi, peqqussutikkut nr. 1331-ikkut, 6. decembari 2019-imeersukkut Kalaallit Nunaannut atuutilersinneqartumi, inatsimmi nr. 2110-mi, 22. decembari 2020-imeersumi § 2 malillugu allanngunerit tulluuttut suliarineqassapput:

**1.** (Kalaallit Nunaannut atuutilersinneqassanngilaq)

**2.** § 1, imm. 2-mi, »nr. 11« ima allanngortinneqassaaq: »nr. 13«.

**3.** § 1, imm. 3-mi, »nr. 13« ima allanngortinneqassaaq: »nr. 15«.

**4.** § 2-mi nr. 1-p kingorna normutut nutaatut ilanngunneqassaaq:

»2) Suliffeqarfik atorunnaarsitsinissamik suliniuteqarfigineqartoq: Aningaasersuineramik ingerlataqarneq pillugu inatsimmi, kunngip peqqussutaatigut Kalaallit Nunaannut atuutilersinneqartumi, § 5, imm. 1, nr. 73 malillugu suliffeqarfik imaluunniit immikkoortortaqarfik naapertuuttoq.«

Tamatuma kingorna nr. 2 nr. 3-nngussaaq.

---

<sup>1</sup> Broinstitut: Ingerlatsivik suliffeqarfimmit ataatsimit suliffeqarfinnulluunniit arlalinnit, imaluunniit immikkoortortaqarfinnit atorunnaarsinneqalersunit imaluunniit pigisanik tigussaasunik, suliffeqarfimmit ataatsimit suliffeqarfinnulluunniit arlalinnit pisinnaatitaaffinnik imaluunniit pisuffaaffinnik imaluunniit immikkoortortaqarfinnit atorunnaarsitaalersunit, aamma Atorunnaarsitsinissamut pisuussutinit imaluunniit § 21 malillugu Finansiell Stabilitetimit tamakkiisumik ilaannakoortumilluunniit pigineqartumit naalakkersorneqartumillu piginnittuunissamut sakkunik tigusinissaq siunertaralugu pilersinneqartoq.

5. § 2-*mi* nr. 2-p, normu 3-nngortup kingorna, normutut nutaatut ilanngunneqassaaq:  
»4) Ingerlatseqatigiiffissuaq atorunnaarsinneqarnissamik suliniuteqarfigineqartoq:  
Ingerlatseqatigiiffissuaq atorunnaarsinneqarnissamik suliniuteqarfigineqartoq  
Aningaasersuinermik ingerlataqarneq pillugu inatsimmi, kunngip peqqussutaatigut Kalaallit  
Nunaannut atuutilersinneqartumi, § 5, imm. 1, nr. 74 malillugu nassuiarneqartoq.«

Tamatuma kingorna nr. 3-miit 17 ilanngullugu nr. 5-imiit 19 ilanngullugu normunngussapput.

6. § 2, *nr. 11-imi*, nr. 13-inngortumi, »nr. 51« ima allannngortinneqassaaq: »nr. 54«.

7. § 2-*mi* nr. 17-ip, nr. 19-inngortup kingorna, nutaatut normu ilanngunneqassaaq:  
»20) Pisussaaffiit nalikillilerneqarsinnaasut: Pisussaaffiit, akiligassaqarfigisanit  
aningaasaliisunillu allanit aningaasaliissutit annaasaqaataasinnaasunut ilaasut, aamma  
Aningaasersuinermik ingerlataqarneq pillugu inatsimmi, kunngip peqqussutaatigut Kalaallit  
Nunaannut atuutilersinneqartumi, § 267 a-mi, imm. 1-imi, imaluunniit § 267 e-mi ilaatinneqartut.«

Tamatuma kingorna nr. 18-miit 21 ilanngullugu nr. 21-imiit 24 ilanngullugu normunngussapput.

8. § 4, *imm. 2*, atorunnaarsinneqassaaq, taarsiullugulu ilanngunneqassalluni:

»*Imm. 2*. Piginnittutut ingerlatseqatigiiffimmut imm. 1 assigisaanik atuuppoq. *Imm. 1-imi*  
piumasaqaatit naammassineqanngikkaluartut, piginnittutut ingerlatseqatigiiffimmut  
atorunnaarsitsinissamik suliniuteqarfiginninnerit Finansiell Stabilitet-ip aallartissinnaavai,  
piumasaqaatit tulluuttut naammassineqarpata:

1) Aningaasersuinermik piginnittutut ingerlatseqatigiiffik atorunnaarsitsinissamik  
suliniuteqarfigineqartutut immikkoortorta qarfiuppat.

2) Aningaasersuinermik piginnittutut ingerlatseqatigiiffiup, suliffeqarfiutaa ataaseq imaluunniit  
arlallit aalajangiisutut sunniuteqarfigineqartut, aningaaseriviusut, tigussaasumik  
sallunaveeqquteqarluni taarsigassarsititsisarfiusut imaluunniit aningaasateqarfinnut  
niueqatigiinnermi akunnermiliuttartutut ingerlatsiviiit I-iusut aamma immikkoortorta qarfiit  
atorunnaarsinneqarnissamik suliniuteqarfigineqanngitsut, atorunnaarsitsinissamut piumasaqaatinik  
naammassinnippata.

3) Aningaasersuinermik piginnittutut ingerlatseqatigiiffiup suliffeqarfiutaani aalajangiisutut  
sunniuteqarfigineqartumi, aningaaseriviusumi, tigussaasumik sallunaveeqquteqarluni  
taarsigassarsititsisarfiusumi imaluunniit aningaasateqarfinnut niueqatigiinnermi  
akunnermiliuttartutut ingerlatsiviiit I-iusumi aamma atorunnaarsitsinissamik  
suliniuteqarfigineqanngitsumi isasoorneq, ingerlatseqatigiiffissuarmi atorunnaarsitsinissamik  
suliniuteqarfigineqartumi isasoornissap aarlerinaateqalerneranik malitseqassasoq,  
Aningaaserivinnik nakkutilliisoqarfiup nalilerpagu.

*Imm. 3*. Suliffeqarfiit piginnittumit aalajangiisutut sunniuteqarfigineqartut, ingerlatseqatigiinni  
piginnittutut suliffeqarfiimmit assigiinngitsunik akuugaasumit toqqaannartumik  
toqqaannanngikkaluartumilluunniit pigineqarpata, ingerlatseqatigiiffissuup

atorunnaarsinneqarnissaa siunertaralugu, aningaasersuineranut piginnittut ingerlatseqatigiiffimmut, ataatsimik arlalinnilluunniit suliffeqarfinnik ingerlatseqatigiiffittut piginnittumit aalajangiisuusumik sunniteqarfigineqartumut atorunnaatsitsinissamik suliniutit taamaallaat aalajangerneqassapput.

Tamatuma kingorna imm. 3 imm. 4-nngusaaq.

**9. § 4-imi imm. 5-itut aamma 6-itut ilanngunneqassapput:**

»Imm. 5. Imm. 1, nr. 3-mi piunasaqaat naammassineqarsimanngitsoq Finansiel Stabilitet-ip nalilerpagu, Finansiel Stabilitet atorunnaarsitsinissamik suliniutinik aallartitsissanngilaq, taamaattoq imm. 2 aamma § 18 a takukkit.

*Imm. 6.* Ingerlatseqatigiiffissuarmi atorunnaarsitsinissamik suliniuteqarfigineqartumi pineqartumi atorunnaarsitsinissamut piunasaqaatit naammassineqarpata, suliffeqarfissuup iluani qitiusumik aqutsinermik siunnersuinerilluunniit ingerlatsivimmut kiisalu aningaasarivinnut aamma tigussaasumik sallunaveeqquteqarluni taarsigassarsititsisarfinnut, ingerlatsivimmut taamaattumut aalajangersimasumik atassuteqartunut, aamma ingerlatseqatigiiffissuarmi atorunnaarsitsinissamik suliniuteqarfigineqartumi tassani ilaasunut, Finansiel Stabilitet atorunnaarsitsinissamik suliniutinik aallartitsisinnaavoq.«

**10. § 4-p kingorna § 5 sioqqullugu qulequtaq sioqqullugu ilanngunneqassaaq:**

»§ 4 a. Isumaqatigiissut, suliffeqarfiup imaluunniit immikkoortortaqrarfiup isumaqatigiissutigisimasaa malillugu, akiliinissamut- imaluunniit tunniussinissamut pisussaaffiit suugaluartulluunniit, piunasaqaatit tulliuuttuni taaneqartut naammassineqarsimappata, Aningaaserivinnik nakkutilliisoqarfik tusarniaavigereerlugu, Finansiel Stabilitet-ip atorunnaarsikkallarsinnaavaa:

1) § 4, imm. 1, nr. 1-imi aamma 2-mi piunasaqaatit naammassineqarsimappata.

2) Suliffeqarfimmi immikkoortortaqrarfirmiluunniit aningaasaqarnikkut pissutsit ajorseriaqqinnissaat pinngitsoortinniarlugu atorunnaarsitsigallarneq pisariaqartutut nalilerneqarpat.

3) § 4, imm. 1, nr. 3 malillugu atorunnaarsitsigallarnissamik suliniutiginninnissaq tamanut soqutiginarnerisooq, imaluunniit atorunnaarsitsigallarnissamut sakkumik ataatsimik arlalinnilluunniit sunniuteqarluartumik atuinissaq qulakkeerneqarsinnaanersoq paasiniarlugu, atorunnaarsitsigallarneq pisariaqartutut isigineqarpat.

*Imm. 2.* Isumaqatigiissutinut tulliuuttuni taaneqartunut tunngatillugu imm. 1 malillugu atorunnaarsitsigallarnermik suliaqartoqarsinnaanngilaq

1) Akiliinermut systeminut aamma pappiaqqat nalillit atorunnaarsinneqarnissaannut systeminut inaarutaasumik naatsorsuusiorneq pillugu 98/26/EF af 19. maj 1998 Europa-Parlament-ip Siunnersuisoqatigiillu peqqussutaat malillugu systeminut systemillu atortuinik ingerlatsisunut, taamatut toqqarneqarsimasunut,

2) qitiusumik illuatungiusut (CCP-t) aamma nunat pingajuusuni qitiusumik illuatungiusut, Den Europæiske Værdipapir- og Markedstilsynsmyndighed-imit akuerineqartunut, imaluunniit

3) qitiusumik aningaaserivinnut.

Imm. 3. § 50 malillugu atorunnaarsitsigallarneq pillugu nalunaarutip saqqummiunneqarneraniit atorunnaarsitsigallarneq aallartissaaq, ulluinnaap tulluuttup siulliuli naanissaata tungaanut ingerlassalluni.

Imm. 4. Akiliinissamut- imaluunniit tunniussinissamut pisussaaffik, akiliinissamut- imaluunniit tunniussinissamut pisussaaffimmik atorunnaarsitsigallarnerup nalaani akilerneqartussaappat, atorunnaarsitsigallarnermut piffissaliussaq naaniariartoq akiliineq imaluunniit tunniussineq pissaaq.

Imm. 5. Isumaqatigiissut malillugu akiliinissamut- imaluunniit tunniussinissamut pisussaaffiit imm. 1 malillugu atorunnaarsinneqarallarpata, isumaqatigiissut malillugu akiliinissamut- imaluunniit tunniussinissamut isumaqatigiissummi akuusup pisussaaffi piffissami tassani atorunnaarsinneqarallassapput.

Imm. 6. Finansiel Stabilitet atorunnaarsitsigallarsimappat, naak suliffeqarfik imaluunniit immikkoortortaarfik pineqartoq atorunnaarsitsigallarnermi piffissami atorunnaarsinneqarnissamik suliniuteqarfigineqanngikkaluartoq, Finansiel Stabilitet-ip §§ 33 aamma 34 malillugit atorunnaarsitsigallarnissaminik pisinnaatitaaffini atorsinnaavai. Imm. 1 malillugu atorunnaarsitsigallarneq, imm. 3 malillugu imm. 1-imi piffissap sivissusaata assinganik sivissuseqarpoq.

Imm. 7. Imm. 1 imaluunniit 6 imaluunniit §§ 33 imaluunniit 35 malillugit Finansiel Stabilitet atorunnaarsitsigallarnermik suliaqarsimappat, suliffeqarfik immikkoortortaqarfilluunniit pineqartoq atorunnaarsinneqarnissamik suliniuteqarfigineqarpat, isumaqatigiissummut tassunga tunngatillugu §§ 32-imiit 34 ilanngullugu malillugit pisinnaatitaaffiit assingusut Finansiel Stabilitet-ip kingusinnerusukkut atorsinnaangilai.«

**11.** § 6, imm. 1, oqaaseqatigiinni siullerni, »aningaasaliissutinut sakkuutit« kingorna ilanngunneqassaaq: »imaluunniit pisussaaffiit nalikillilerneqarnissamut naleqquttut«, aamma »§ 17« ima allanngortinneqassaaq: »§§ 17 imaluunniit 18 a«.

**12.** § 7, imm. 4, nr. 1-imi, § 12, imm. 5-imi, § 21, imm. 2, oqaaseqatigiit aappaanni, aamma § 23, imm. 3-mi, »aningaasaliissutinut sakkuutit« kingorna ilanngunneqassapput: »aamma pisussaaffiit nalikillilerneqarnissamut naleqquttut«, aamma »§ 17« ima allanngortinneqassaaq: »§§ 17 imaluunniit 18 a«.

**13.** § 13-imi imm. 3-tut ilanngunneqassaaq:

»Imm. 3. Taarsigassarsititsisarfinnut ingerlatsivinnullu aningaasaliisartunut nakkutilliinissat pillugit piumasaqaatit pillugit Europaparlamentip Siunnersuisoqatigiillu peqqussutaanni (EU) nr. 575/2013-imeersumi, Kalaallit Nunaannut inatsisikkut atuutilersinneqartumi, artikili 4, imm. 1 nr. 118, aamma Aningaasersuineramik inatsimmi, kunngip peqqussutaatigut Kalaallit Nunaannut atuutilersinneqarsimasumi, § 128, imm. 3 aamma 4 malillugit, akiliisinnaajunnaarnermi aningaasaliissutinut tunngaviit pillugit pisassat akilerneqassapput. Aningaasaliissutinut sakkuutit, taamaallaat ilaatigut aningaasaliissutinut tunngavittut isigineqarsinnaasut, oqaaseqatigiit siulliit malitsigisaannik tamakkerlugit aningaasaliissutinut tunngavittut akilerneqassapput.«

**14. § 17** sioqqullugu qulequtaq ima oqaasertalerneqassaaq:

»Aningaasaliissutitut sakuutit attuumassuteqartut aamma pisussaaffiit nalikillilerneqarnissamut naleqquttut nalikillilerneqarnerat nuunneqarnerallu«.

**15. § 17, imm. 1-imi, oqaaseqatigiit aappaattut** ilanngunneqassaaq:

»Suliffeqarfik immikkoortortaqaqfilluunniit suliffeqarfiuppat ingerlatseqatigiiffittut piginnittumit aalajangiisutut sunniteqarfigineqartoq imaluunniit immikkoortortaqaqfimmil atorunnaarsitsinissamik suliniuteqarfigineqartumi immikkortortaappat, pisussaaffiit Aningaasersuinermik ingerlataqarneq pillugu inatsimmi, kunngip peqqussutaatigut Kalaallit Nunaannut atuutilersinneqartumi § 267 e, nr. 4, litra b-mik naammassinninnerat apeqqutaatinnagu, aammattaaq suliffeqarfiup immikkoortortaqaqfiulluunniit pisussaaffii nalikillilerneqarnissamut naleqquttut, minnerpaamik ukiumik 1-imi akilerneqarfissaannut sivilissullit, Aningaasersuinermik ingerlataqarneq pillugu inatsimmi, kunngip peqqussutaatigut Kalaallit Nunaannut atuutilersinneqartumi, § 267 e, nr. 4-imi ilaatinneqartut, Finansiel Stabilitet-ip nalikillisassavai imaluunniit nuutissavai.«

**16. § 17, imm. 2-mi, »aningaasaliissutitut sakuutit attuumassuteqartut«** piissaaq.

**17. § 17, imm. 3-mi, »** aningaasaliissutitut sakuutinit attuumassuteqartunit« ima allangortinneqassaaq: »imm. 1-p kingorna«.

**18. § 17, imm. 4-mi, »** aningaasaliissutitut sakuutinit« piissaaq.

**19. § 17-imi imm. 5-itut** ilanngunneqassaaq:

»Imm. 5. Imm. Suliffeqarfimmi, ingerlatseqatigiiffittut piginnittumit aalajangiisutut sunniuteqarfigineqartumi imaluunniit immikkoortortaqaqfimmil atorunnaarsitsinissamik suliniuteqarfigineqartumi, imm. 1-p kingorna aningaasaliissutitut sakuutinik attuumassuteqartunik nalikilliliinermi nuussinermiluunniit, pisuni aningaasaliissutitut sakuutit attuumassuteqartut aamma pisussaaffiit nalikilliliiffineqarnissamut naleqquttut immikkoortortaqaqfimmil atorunnaarsitsinissamik suliniuteqarfigineqartumit ingerlatseqatigiiffissuarmi atorunnaarsitsinissamik suliniuteqarfigineqartumi tassani aamma suliffeqarfiit allat aqqutigalugit pigineqartumi, nalikilliliinisamut imaluunniit nuussinissamut pisinnaatitaaneq ima suliarineqassaaq, annaasat immikkoortortaqaqfimmil atorunnaarsitsinissamik suliniuteqarfigineqartumut ingerlateqqinneqarnissaat qulakkeerneqassalluni.«

**20. § 18, imm. 1-imi, »aningaasaliissutitut sakuutit«** kingorna ilanngunneqassaaq: »imaluunniit pisussaaffik nalikillilerneqarnissamut naleqquttuq«, »§ 17« ima allangortinneqassaaq: »§§ 17 imaluunniit 18 a«, aamma »aningaasaliissutitut sakuutit« kingorna ilanngunneqassaaq: »imaluunniit pisussaaffiit nalikillilerneqarnissamut naleqquttut«.

**21. § 18, imm. 2, oqaaseqatigiinni siullerni aamma aappaanni, »aningaasaliissutitut sakuutit«** kingorna ilanngunneqassaaq: »imaluunniit pisussaaffiit nalikillilerneqarnissamut naleqquttut«,

aamma imm. 2, nr. 4-imi, »anigaasaliissutinut sakuutit« kingorna ilanngunneqassaaq: »imaluunniit pisussaaffik nalikillilerneqarnissamut naleqquttoq«.

**22.** § 18-ip kingorna § 19 sioqqullu qulequtaq sioqqullugu ilanngunneqassaaq:

»§ 18 a. Suliffeqarfinnut imaluunniit immikkoortortaqarfinnut, § 4 malillugu atorunnaarsinneqarnissamut piumasaqaatinik naammassinninngitsunut, §§ 17 aamma 18 atorneqassapput, piumasaqaatit tulluuttut naammassineqarsimappata:

1) Suliffeqarfik imaluunniit immikkoortortaqarfik ingerlatseqatigiiffissuarmi atorunnaarsitsinissamik suliniuteqarfigineqartumi ilaappat.

2) Suliffeqarfik imaluunniit immikkoortortaqarfik nammineq immikkoortortaqarfiunngippat atorunnaarsitsinissamik suliniuteqarfigineqartoq, kisianni immikkoortortaqarfinnut atorunnaarsitsinissamik suliniuteqarfigineqartumut suliffeqarfiulluni piginnittumit aalajangiisutut sunniuteqarfigineqartoq imaluunniit immikkoortortaasoq.

3) § 4 malillugu atorunnaarsitsinissamik immikkoortortaqarfiup atorunnaarsitsinissamut piumasaqaatit naammassisimagai, imaluunniit nunami Den Europæiske Union-ip iluani, imaluunniit anigaasersuineramik ingerlatsinermik suliaasaqarfinni Union-ip isumaqatigiissusiorfigisimasaani, atorunnaarsitsinissamut piumasaqaatinik assingusunik naammassinnissimasoq.

4) Anigaasersuineramik ingerlataqarneq pillugu inatsimmi, kunnigip peqqussutaatigut Kalaallit Nunaannut atuutilersinneqartumi § 272, imm. 2 malillugu, suliffeqarfik imaluunniit immikkoortortaqarfik pisinnaatitaaneq atorneqanngippat ingerlasinnaassanngitsoq.«

**23.** § 22, imm. 2, nr. 1-mi, »nr. 6,« ima allanngortinneqassaaq: »nr. 8,«.

**24.** § 25, imm. 3, nr. 6-imi, »systemip taamaattup« kingorna ilanngunneqassaaq: », imaluunniit qitiusumik illuatungiusut (CCP-t) aamma nunani pingajuusuni qitiusumik illuatungiusut, Den Europæiske Værdipapir- og Markedstilsynsmyndighed-imit akuerineqartut«.

**25.** § 25, imm. 3-mi, nr. 8-tut ilanngunneqassaaq:

»8) Akiliisinnaajunnaarneq pillugu inatsimmi, kunnigip peqqussutaatigut Kalaallit Nunaannut atuutilersinneqartumi, § 97 malillugu taakku akiligassaqaqarfigisat allat tamaasa akiliiffigeqqaarlugit aatsaat kingusinnerusukkut piumasaqaatigineqarsinnaasutut inissinneqarsimanngippata, suliffeqarfinnut imaluunniit immikkoortortaqarfinnut ingerlatseqatigiiffissuarmi atorunnaarsitsinissamik suliniuteqarfigineqartumi tassani ilaasut, namminneq atorunnaarsitsinissamik suliniuteqarfigineqartutut immikkoortortaqarfiunngitsut.«

**26.** § 26, imm. 1, nr. 1-imi, »akiligassanit nalikillilerneqarnissamut naleqquttunit tiguneqarsimasut« ima allanngortinneqassapput: »§ 25, imm. 4 malillugu akiligassaqaqarfigisanit anigaasaliisunillu allanit anigaasaliissutinut annaasaqaataasinnaasunit ilaatitaannginnerup malitsigisaanik nalikilliliinermi nuutsinermilluunniit matussuserneqartut«.



**27.** § 26, *imm. 2, nr. 1-imi aamma 2-mi*, »akiligassat« ima allanngortinneqassapput: »pisussaaffiit aamma aningaasaliissutinut tunngavigisat«.

**28.** § 31, *imm. 4-imi*, »§§« kingorna ilanngunneqassaaq: »4 a aamma«.

**29.** § 32, *imm. 1-imi oqaaseqatigiinni siullerni*, »akiligassap akilerneqarfissaa«.

**30.** § 32, *imm. 4*, ima oqaasertalerneqassaaq:

»Imm. 4. Isumaqatigiissutinut tulliuuttunut isumaqatigiissusiaasunut tunngatillugu imm. 1 malillugu atorunnaarsitsigallarnermik suliaqartoqarsinnaanngilaq

1) Akiliinermut systeminut aamma pappiaqqat nalillit atorunnaarsinneqarnissaannut systeminut inaarutaasumik naatsorsuusiorneq pillugu 98/26/EF af 19. maj 1998 Europa-Parlament-ip Siunnersuisoqatigiillu peqqussutaat malillugu systeminut systemillu atortuinik ingerlatsisunut, taamatut toqqarneqarsimasunut,

2) qitiusumik illuatungiusut (CCP-t) aamma nunani pingajuusuni qitiusumik illuatungiusut, Den Europæiske Værdipapir- og Markedstilsynsmyndighed-imit akuerineqartunut, imaluunniit

3) qitiusumik aningaaserivinnut.«

**31.** § 33, *imm. 2*, ima oqaasertalerneqassaaq:

»Imm. 2. Imm. 1 malillugu atorunnaarsitsigallarnert qularnaveeqqusiissutinut tulliuuttuni taaneqartunut atorneqarsinnaanngillat

1) Akiliinermut systeminut aamma pappiaqqat nalillit atorunnaarsinneqarnissaannut systeminut inaarutaasumik naatsorsuusiorneq pillugu 98/26/EF af 19. maj 1998 Europa-Parlament-ip Siunnersuisoqatigiillu peqqussutaat malillugu systeminut systemillu atortuinik ingerlatsisunut, taamatut toqqarneqarsimasunut,

2) qitiusumik illuatungiusut (CCP-t) aamma nunani pingajuusuni qitiusumik illuatungiusut, Den Europæiske Værdipapir- og Markedstilsynsmyndighed-imit akuerineqartunut, imaluunniit

3) qitiusumik aningaaserivinnut.«

**32.** § 34, *imm. 3*, ima oqaasertalerneqassaaq:

»Imm. 3. Imm. 1 aamma 2 malillugit atorunnaarsitsigallarnert tulliuuttunut atorneqarsinnaanngillat

1) Akiliinermut systeminut aamma pappiaqqat nalillit atorunnaarsinneqarnissaannut systeminut inaarutaasumik naatsorsuusiorneq pillugu 98/26/EF af 19. maj 1998 Europa-Parlament-ip Siunnersuisoqatigiillu peqqussutaat malillugu systeminut systemillu atortuinik ingerlatsisunut, taamatut toqqarneqarsimasunut,

2) qitiusumik illuatungiusut (CCP-t) aamma nunani pingajuusuni qitiusumik illuatungiusut, Den Europæiske Værdipapir- og Markedstilsynsmyndighed-imit akuerineqartunut, imaluunniit

3) qitiusumik aningaaserivinnut.«

**33.** § 42, *imm. 1, nr. 4-imi*, »taakku nalikillilerneqarnissamut naleqquttut« peerneqassapput, aamma »24-28«-p kingorna ilanngunneqassaaq: », imaluunniit § 18 a malillugu suliffeqarfik,

ingerlatseqatigiiffimmit piginnittumit aalajangiisutut sunniuteqarfigineqartoq imaluunniit immikkoortortaarfik imaluunniit immikkoortortaarfik atorunnaarsinneqarnissamik suliniuteqarfigineqartoq«.

**34.** § 42, *imm. 1, nr. 5*, ima oqaasertalerneqassaaq:

»5) Suliffeqarfimmi imaluunniit immikkoortortaarfimmi atorunnarsitsinissamik suliniuteqarfigineqartumi imaluunniit suliffeqarfimmi ingerlatseqatigiiffittut piginnittumit aalajangiisutut sunniuteqarfigineqartumi imaluunniit suliffeqarfimmut immikkoortortami imaluunniit suliffeqarfimmi immikkoortamut atorunnaarsinneqarnissamik suliniuteqarfigineqartumi, immikkoortortaarfimmi, suliffeqarfimmi ingerlatseqatigiiffittut piginnittumit aalajangiisutut sunniuteqarfigineqartumi imaluunniit suliffeqarfimmut immikkoortortami, ingerlatseqatigiiffissuup pingaarnertut piginneqatigiiffiani imaluunniit broinstituttimi akiligassat pigisatut nalilittut tuniniarneqarsinnaasutut nuunneqartut, tassani pigisat nalillit, pisinnaatitaaffiit imaluunniit pisussaaffiit §§ 17, 18, 18 a aamma 24-imiit 28 ilanngullugu tunniunneqarlutik.«

**35.** § 42, *imm. 1, nr. 6-imi*, »24-miit 28 ilanngullugu aaamma 44,« kingorna ilannguneqassaaq: »imaluunniit suliffeqarfik ingerlatseqatigiiffittut piginnittumit aalajangiisutut sunniuteqarfigineqartoq imaluunniit suliffeqarfimmi immikkoortortaarfik imaluunniit § 18 a malillugu immikkoortortaarfik atorunnaarsinneqarnissamik suliniuteqarfigineqartoq,«.

**36.** § 44, *imm. 1-imi, aamma § 44, imm. 1, nr. 1-imi*, »aningaasaliissutitut sakkuutit« kingorna ilannguneqassaaq: »aamma pisussaaffiit nalikillilerneqarnissamut naleqquttut«, aamma »§§ 17 aamma 18« ima allanngortinneqassaaq: »§§ 17, 18 imaluunniit 18 a«.

**37.** § 44, *imm. 4-imi* piffinni marlunni, »aningaasaliissutitut sakkuutit« kingorna ilannguneqassapput: »aamma pisussaaffiit nalikillilerneqarnissamut naleqquttut«.

**38.** § 45, *imm. 1-imi, aamma § 46, imm. 1, oqaaseqatigiinni siullerni*, » aningaasaliissutitut sakkuutit naleqquttut« kingorna ilannguneqassaaq: »aamma pisussaaffiit nalikillilerneqarnissamut naleqquttut«, aamma »§ 17« ima allanngortinneqassaaq: »§§ 17 imaluunniit 18 a«.

**39.** § 50, *imm. 1-imi*, »atorunnaarsitsinissamut iliuuseqarnerit« kingorna ilannguneqassaaq: »imaluunniit atorunnaarsitsigallarneq«.

**40.** § 51, *imm. 1, nr. 4-imi*, »akiligassat« ima allanngortinneqassaaq: »pisussaaffiit aningaasaliissutinullu tunngaviit«, aamma »aningaasaliissutitut sakkuutit aamma« kingorna ilannguneqassaaq: »pisussaaffiit nalikillilerneqarnissamut naleqquttut,«.

**41.** (Kalaallit Nunaannut atuutilersinneqassanngilaq)

**42.** § 61-imi imm. 6-p kingorna immikkoortutut nutaatut ilanngunneqassapput:

»Imm. 7. Imm. 1 malillugu Finansiel Stabilitet-ip suliarninik sularinninneranut atatillugu, Inunnut paasissutissanik sularinnittarneq pillugu inatsimmi, kunngip peqqussutaatigut Kalaallit Nunaannut atuutilersinneqartumi, §§ 28-imi, 29-imi aamma 30-imi paasissutissiisussaataaneq aamma paasisimatinneqartussaannermut pisinnaatitaaffik pillugit malittarisassat, Finansiel Stabilitet-imut imaluunniit taassuma suliffeqarfiutaanut aalajangiisutut sunniuteqarfigisaanut, atorneqarsinnaanngillat. Taamaattoq tamanna pisinnaatitaaffinnut pisussaaffinnullu pissutsinut Finansiel Stabilitet-ip Finansiel Stabilitet-imilu sulisut aamma taassuma suliffeqarfiutaanut aalajangiisutut sunniuteqarfigisaanut atuutinnngilaq.

Imm. 8. Finansiel Stabilitet imaluunniit taassuma suliffeqarfiutaa aalajangiisutut sunniuteqarfigisaa paasissutissanut akisussaasuuppaat aamma inunnut paasissutissanik sularinninnermi aningaasersuineramik suliffeqarfiit ilaasa ilusilersoqqinneqarnerannik imaluunniit atorunnaarsinneqalernerannik siunertaqarpat, imm. 7 atorneqassanngilaq.«

Tamatuma kingorna imm. 7 imm. 9-nngussaaq.

**43.** § 63-imi imm. 2-tut ilanngunneqassaaq:

»Imm. 2. Finansiel Stabilitet pillugu inatsisip malitsigisaanik suliassat tiguneqarsimasut Finansiel Stabilitet-ip atorunnaarsikkiartussavai. Finansiel Stabilitet pillugu inatsimmi malittarisassat malillugit suliart aningaaserivinnit aningaasaqarnikkut ajornartorsiortunit tiguneqarsimasut atorunnaarsikkiartuaarneqarnissaat, inatsimmik nalunaarut nr. 479, 3. maj 2018-imeersoq malillugu naalagaaffiup akilissavaa annaasaqaatigisinnaallugulu.

**44.** (Kalaallit Nunaannut atuutilersinneqassanngilaq)

#### § 4

Aningaasersuineramik ingerlatsisut ilaasa ilusilersoqqinneqartarnerat atorunnaarsinneqartarnerallu pillugu inatsisip allanngortinneqarneranut inatsimmi, peqqussutikkut nr. 1331-ikkut, 6. decembari 2019-imeersukkut Kalaallit Nunaannut atuutilersinneqarsimasumi, inatsit nr. 2382, 14. decembari 2021-immeersumi § 18 malillugu allanngunneq tulluuttooq sularineqassaaq:

**1.** § 13-imi imm. 4-tut ilanngunneqassaaq:

»Imm. 4. Suliffeqarfimmi akiliisinnaajunnaartoqartillugu pingaarnertut aningaasaliissutinut sakkuutit piviusut pingaarnertut aningaasaliissutinut sakkuutit akuukkat kingorna aamma pingaarnertut aningaasaliissutinut sakkuutit akuukkat kingorna aningaasaliissutinut sakkuutit ilassutaasut akilerneqassapput. Aningaasaliissutinut sakkuutit, taamaallaat ilaatigut aningaasaliissutinut tunngavittut isigineqarsinnaasut, oqaaseqatigiit siulliit malitsigisaannik tamakkerlugit aningaasaliissutinut tunngavittut akilerneqassapput.«

#### § 5

Inatsit nr. 2110, 22. decembari 2020-imeersumi § 3 malillugu Finansiel Stabilitet pillugu inatsimmi, tulliuttoq allanngortinneqassaaq:

Inatsimmik nalunaarut nr. 479, 3. maj 2018-imeersoq malillugu Finansiel Stabilitet pillugu inatsit atorunnaarsinneqassaaq.

## § 6

*Imm. 1.* Peqqussut 1. juli 2023-mi atuutilissaaq.

Tunniunneqarpoq ..., ulloq [...]

Kunngitut Atsiorpugut Naqissusiillutalu

/Morten Bødskov

- 
- 1) Aalajangersagaq ima oqaasertaqarpoq: »*Imm. 2. §§ 1-imiit 3 ilanngullugu kunnigip peqqussutaatigut tamakkiisumik ilaannakoortumilluunniit, savalimmiuni Kalaallillu Nunaanni pissutsinut naleqqussaanerit ilanngullugit, Savalimmiunut aamma Kalaallit Nunaannut atuutilersinneqarsinnaavoq.*«
  - 2) Aalajangersagaq ima oqaasertaqarpoq: »Inatsit Kalaallit Nunaannut Savalimmiunullu atuutinnigilaq, kisianni kunnigip peqqussutaatigut tamakkiisumik ilaannakoortumilluunniit, savalimmiuni Kalaallillu Nunaanni pissutsinut naleqqussaanerit ilanngullugit, Savalimmiunut aamma Kalaallit Nunaannut atuutilersinneqarsinnaalluni.«
  - 3) Aalajangersagaq ima oqaasertaqarpoq: »*Imm. 3. Inatsit kunnigip peqqussutaatigut tamakkiisumik ilaannakoortumilluunniit, savalimmiuni Kalaallillu Nunaannilu pissutsinut naleqqussaanerit ilanngullugit, Savalimmiunut aamma Kalaallit Nunaannut atuutilersinneqarsinnaavoq. Aammattaaq inatsisip ilai piffissani assigiinngitsuni atuutilersinneqarsinnaapput.*«
  - 4) Aalajangersagaq ima oqaasertaqarpoq: »*Imm. 2. §§ 1-imiit 14 ilanngullugu aamma 18 tamakkiisumik ilaannakoortumilluunniit, Kalaallillu Nunaanni pissutsinut naleqqussaanerit ilanngullugit, Kalaallit Nunaannut atuutilersinneqarsinnaavoq.*«